

108 年全國語文競賽原住民族語朗讀【撒奇萊雅語】 國中學生組 編號 2 號

u niyazu' nu maku

i tepal nu bayu ku niyazu' aku, u makuwanay nu Kalinku a pikuwan ku niyazu' aku, tada u bangcalay, nayay ku sunisuni nu **kazizeng** a **micangalay** tu niyazu' niyam. i sawalian sa u ahebalay a taypiyang a bayu, tusa ku matemuyay a **sauwac** i teban nu niyazu', atu makakitikitinay a **apuyu'ay** a buyu', atu **sa'pi'ay** ku lidung a kilakilangan, u kanamuhan a kauzipan aku a niyazu' kuyni.

kalaluwayan kiya tusaay a sauwac, tingalaw sa ku nanum, yadah ku sipud atu ulang atu kalang. anu nayi' ku bali, malecad u tanayaay a dadingu ku kasadit nu nanum, madadinguay i nanum a kilang, malecad tu **misaysay** a mabuutay nu limecedan. beliw sa ku sabalat, mapalikat nu cilal ku nanum, misa melimelit ku likat nu **cilal** i nanum, **sasa'pi'** sa ku balucu' nu tademaw a pakaazih. sakaiwilan sa zatengen nu cimacima kina tusaay a sauwac, langdaway a kilakilangan masakawusay ku nikalislis i lilies nu sauwac, micenus tu salungan nu niyazu' aku.

manamuh kaku tu buyu' nu niyazu', satukatukal sa azihen ku niekingan nu babalaki nu niyazu' a laku, iza ku palusayan atu nipalumaan tu lami' a palami'an, i batad misabengabengaw ku bangsis nu balu i kilakilang. kasadingsingan sa, **mazuhem tu** ku heci nu kamacal i kilakilangan, tanu ngangay sa pakazateng tuya heci nu kamacal. u lalud sa, sumanah ku papah nu kuwakuwawian, malalitilitin ku heci nu kuwawi, enuc satu ngangay a pakazateng tu asu' nu kuwawi. **balangbangan tu, sumanah tu ku** heci nu alemet atu calukacuk, kadubah i tapitapi'an nu sauwac, kasienawan sa, kasihecian nu kama, liwting atu cinci. cilecileminan, sicesicedanan ku asu' niza, kadubah ku sakauzip i buyu' nu niyazu' aku.

sakanamuhan sa ku kalabiyen a tatukian nu niyazu', sumanah ku tapuku i satipan, mapadadingu i tingalaway a sauwac nu niyazu' ku ladem, malecad u kasaadiadipin a balu. wait han ku ba'tu i nanum, malaadiyuc a milalaba' tu picelem nu cilal **kya** nanum, mikilul macuwacu' ku balucu' ita. i nikasatukatukal nu laku **sa, cengkep tu** ku tipus a mihalhal tu pilangec, misakalabiay nu paylumaluma' nu niyazu', mabiwbiw ku wacas nu ingtuc a tapabaw, bengabengaw sa ku bangsis nu hemay atu lami', **cadici' tu** ku bili tu nikangalay niyam.

108 年全國語文競賽原住民族語朗讀【撒奇萊雅語】 國中學生組 編號 2 號

我的家鄉

家鄉在花蓮的東海岸，是一個美麗而寧靜的部落。部落裡有兩條寧靜的小溪、幾座不高的山丘，還有茂密的森林，這就是我深愛的家鄉。

那兩條小溪是我最愛去的地方，溪水清澈無比，還有許多的小魚、小蝦和螃蟹。無風的時候，小溪像一面長長的鏡子，樹影倒映在水中，像一個小姑娘在梳洗打扮。微風吹過水面的時候，在金色的陽光照射下，教人心曠神怡。

家鄉到處都是梯田、果園和菜園，洋溢着植物的芳香。春天時，森林裡的野地上長滿了紅色野草莓。夏天時，滿山遍野的龍眼樹葉變成了紅色，結滿了成串的野龍眼。秋天時，沙灘上長滿了狀元紅的小紅野果。冬天時，是柑橘、柳丁、金桔收成的季節，酸酸甜甜的滋味，更是讓口水無法停止。

家鄉的傍晚，夕陽染紅了西邊天空，晚霞倒映在溪裡，像極一朵朵的雞冠花。往河裡扔一顆小石頭，激起的漣漪追逐着夕陽的餘暉，也激盪著我們的心情。梯田裡滿滿低垂的稻穗，部落裡家家戶戶炊煙裊裊，不時飄來飯香。